

UNIVERSITI SAINS MALAYSIA

Peperiksaan Semester Kedua  
Sidang 1988/89

Mac/April 1989

HKN 203 Puisi Melayu dan Indonesia Modern

Masa: [3 jam]

---

Kertas peperiksaan ini mengandungi LAPAN(8) soalan dalam ENAM(6) muka surat.

Jawab EMPAT(4) soalan. DUA(2) soalan daripada Bahagian A dan DUA(2) soalan daripada Bahagian B. Semua soalan membawa nilai markah yang sama.

Asingkan kertas-kertas jawapan bagi kedua-dua bahagian tersebut.

**BAHAGIAN A - Puisi Indonesia**

1. Sajak-sajak yang dihasilkan pada zaman awal Angkatan 66 kebanyakannya bertemakan protes sosial penyair terharap keadaan di sekelilingnya. Berikan pandangan anda terhadap sajak-sajak pada zaman tersebut dan sejauh manakah perjuangan dan peranan para penyair membantu nasib masyarakatnya.
  
2. Bincangkan sumbangan Pujangga Baru atau Angkatan 45 terhadap perkembangan puisi Indonesia moden. Jawapan anda harus menyentuh ciri-ciri utama angkatan yang dipilih.

3. Bicarakan secara kritis sajak 'Telah Gugur Beberapa Nama' oleh Bur Rasuanto daripada sudut mesej dan nadanya.

#### TELAH GUGUR BEBERPA NAMA

telah gugur beberapa nama  
telah gugur  
atas nama kita semua  
warga berhati damai yang bertahun  
telah diperhamba  
atas nama jiwa-jiwa agung  
yang namanya terpahat dihati kita  
serta atas nama sejarah dan kemanusiaan  
yang dengan paksa telah dibengkokkan

telah gugur beberapa nama  
telah gugur  
dan semua yang mengerti  
akan makna keadilan dan harga diri  
mengenakan lencana belasungkawa  
bersama doa ditepi jalan  
melepas pawai duka kepemakaman  
atau serta dalam barisan  
dan berbagai simpati tak terucapkan

telah gugur beberapa nama  
telah gugur  
atas kehilangan kita semua, atas duka kita semua  
atas simpati demi simpati yang tak terkirakan ini  
apakah lagi yang lebih berharga  
dari segala upacara dan pernyataan  
selain nanti pada ziarah yang pertama  
dan sekalian karangan bunga ini  
telah luluh menghitami pusara  
kitapun kembali dengan berita sederhana


bahawa perjuangan telah dimenangkan  
oleh warga jelata  
yang bertahun telah dihinakan  
oleh semua  
untuk siapa nama-nama ini  
telah rela rebah kebumi.

Dari: *Mereka telah bangkit*  
oleh Bur Rasuanto

4. Sajak 'Topeng' oleh Ajip Rosidi, menggambarkan berbagai-bagi tingkah laku manusia di dalam kehidupan ini. Bincangkan secara kritis apakah yang ingin dibicarakan oleh penyair.

### TOPENG

Kukenakan topeng yang cocok dengan perananku hari ini  
Mengelabui orang lalu; tapi tidak dirimu. Aku apa lagi!



**BAHAGIAN B - Puisi Melayu**

5. Menurut Ali Ahmad, sajak-sajak zaman Jepun digunakan sebagai alat menyebarkan cita-cita Jepun meluaskan kuasanya serta meneguhkan kepercayaan bahawa kehadiran Jepun adalah sebagai penyelamat bangsa Asia yang cintakan kemerdekaan. Bahaskan pendapat itu berdasarkan contoh-contoh yang sesuai.
6. Kekuatan sajak-sajak Latiff Mohidin banyak bergantung kepada kejayaannya menggunakan imej alam dan manusia dengan berkesan. Bincangkan kenyataan tersebut secara kritis.
7. Berdasarkan sajak-sajak Zaihasra yang pernah anda kaji, nyatakan tema dan persoalan yang sering dikemukakannya serta nada yang digunakan di dalam sajak-sajak tersebut.
8. Usman Awang merupakan seorang penyair yang memperjuangkan kedamaian manusia sejagat. Bincangkan kenyataan tersebut berdasarkan sajak-sajak "Bunga Popi" dan "Salam Benua" yang disertakan di bawah ini.

**BUNGA POPI**

Dari darah, dari nanah yang punah di tanah,  
rangka manusia kehilangan nyawa disambar senjata,  
hasil manusia gila perang membunuh mesra,  
bunga merah berkembang indah minta disembah.

Yang hidup tinggal sisa nyawa, penuh derita,  
kering, bongkok, cacat, tempang dan buta,  
perang dalam kenangan penuh kengerian,  
sekarang dalam kepahitan, dalam kesepian.

Yang lain kehilangan anak, suami dan kekasih,  
hilang pergantungan, hilang pencarian, hidup kebuluran,  
ribuan janda, ribuan kecewa, ribuan sengsara,  
jutaan anak-anak yatim hidup meminta-minta.

Manusia gila perang telah membunuh segala mesra!  
perang berlangsung mencari untung tanah jajahan!  
perang berlangsung membunuh anak dalam buaian!  
perang berlangsung menghancur lebur nilai kebudayaan!

Bunga popi bunga mayat perajurit bergelimpangan,  
bunga darah merah menyimbah, penuh kengerian,  
kami benci pada perang penuh pembunuhan!  
kami rindu pada damai sepanjang zaman!

## SALAM BENUA

I

mereka memisahkan kita  
pasport visa wilayah segala tembok nama  
mereka merompak kita dengan undang-undangnya  
peluru dikirimkan dalam bungkusan dollarnya  
kita dipaksa memilih salah satu  
dan kita mesti memilihnya  
tiada jalan lain

II

telah saudara pilih senapang dan peluru  
banyak pemimpin memilih dollarnya  
untuk ini saudara membasahi baju  
rumput-merah sungai-merah  
tangis anak-anak  
darah rakyat tertindas

III

saudara memerah kaktus melumat batu  
menjadikannya minuman makanan  
gadis-gadis bekerja debu pasir dandannya  
anak-anak kecil menyandang senapang  
saudara menghitamkan langit menyelubungi  
saluran minyak  
setengahnya menyanyi di penjara  
untuk pembebasan Palestin

IV

Kami bertatih di sawah semakin kering  
petani-berani mulai menebang hutan dara  
permulaan kecil pada ketenangan segumpal awan  
ketenangan yang di belakangnya memangkas kami  
yang sedikit ini sedang belajar  
dari tiap pengalaman saudara  
dan pengalaman sendiri  
kami memampatkan gerhana bulan mei  
pada tujuan tempat  
nusantara ini

V

Salam  
tanpa visa  
pasport  
glof  
warna  
kemanusiaan rakyat  
seluruh benua.

*Dalam perjalanan di udara, Mei 1970*

-ooooooo-